



DEO OPTIMO MAXIMO  
 UNI ET TRINO,  
 VIRGINI DEI-PARÆ, ET S. LUCÆ,  
 Orthodoxorum Medicorum Patrono.  
 QUÆSTIO MEDICO-CHIRURGICA,  
 QUOD LIBETARIIS DISPUTATIONIBUS,  
 manè discutienda in Scholis Medicorum, die Jovis vigesima-nona mensis  
 Februarii, anno Domini M. DCC. LXXVI,  
 M. HYACINTHO - THEODORO BARON,  
 Doctore Medico, antiquo Facultatis Decano, necnon Castrorum Regis  
 & Exercituum in Germaniâ & in Italiâ Proto-Medico, Præside.



*An fracto Cranio semper admovenda Terebra ?*

I.



EREBRUM, nobile illud spiritus animalis & vitæ promptuarium, tum loci sublimitate, tum substantiæ mollioris friabilitate, externis undique pateret insultibus, nisi ossæ veluti galeâ ipsum munisset Natura prudens. Sed ex ipso securitatis fonte plura promanant pericula. Ipsa Calvariæ soliditas in Hominis detrimentum sæpe vertitur. Irruentium mole ac impetu graviter læduntur Integumenta, periculosè contunditur Pericranium, ideò quòd subjecta obnitatur Calvaria. Effracto Cranio, prominentia quandoque ossium acumina membranas excruciant; aliàs effusus per collisionem humor difficiliter excernitur; contusæ Meninges commotumve Cerebrum ægrius curantur, propter solidiorem pixidis ossæ substantiam. Hinc percusso vehementer Capite, horrenda pullulat Symptomatum caterva. Homo concidit exanimis, caligant Oculi scintillantve, surdescunt Aures, obmutescit Lingua. Sanguinem Auribus, Naribus, Oculis excernit; sequitur Nausea, Bilisque Vomitus; mox sævit ut plurimum acutissima febris; caput dolet, imprimis quâ parte percussus est, sæpissimè ex adversâ: vertigine corripitur æger, spirandi difficultate, Veterno, Stupore, Paralyysi, Convulsione, Delirio. Sic afflictis ægroti rebus, quodnam adhibendum auxilii genus? Cujusnam implorabis opem? Jam adsunt qui, compertâ in Cranio rimâ, Trepanum prædicant: jam terribilem instruunt Operationis apparatus. At siste Manum. Humano Capiti ferrum immittere non licet, nisi de Operationis necessitate consiterit. Non semper celebranda Operatio, quæ nunquam experts periculi, aliquando inutilis est.

## I I.

**C**ORPORUM contudentium durior hebetudo graviorque moles periculossimè caput afficiunt. Hæc, Cranium disfringendo, Meningibus intrudunt ossium fragmenta, spiculis suis exquisitissimi sensûs membranas crudeliter læsificata. Est ubi tabula ossium exterior, spongioso Diploe innixa, impingenti resistit tælo, dum interna, tenuior, nec pari adminiculo suffulta, diffilit. Sæpè ultrà Cranium propagatur frangentis energia, & Cerebrum obvolventesque Membranæ contunduntur. Sic disruptis commoti Cerebri aut duræ Marris laceratæ valis, intrà Cranium effunditur humor, qui mole Cerebrum comprimens, & acedine, quam morâ contrahit, Membranæ irritans, dira suscitât symptomata. Porro si tactu vitæ pateat ossa, sub ipso ictu depressa, Cerebrum comprimere Membranæque pungere; si auctis, vel non remittentibus Symptomatis, ex sapientis Medici judicio, effusus intra Cranium stagnet humor; si nec ossium fragmenta remove, nec ipsi remotis liceat depressas partes restituere, aut effusis liquoribus exitum concedere, haud morâ solers admoveatur manus. Nudetur Cranium, si vulnere omnino non, vel non satis nullatum fuerit. Mox Ossi :dmoveatur Terebra, quam undequaque æqualiter ferrantem leniter prudenterque circumagat Chirurgus. Tum resectus Cranii orbiculus Elevatorio educitur, totietque iterum applicatur Terebra, donec satis patens sit Chirurgi foramen. Hæc viâ, licebit illicè Ossis fragmenta, subjectis infesta Meningibus, eximere Vossellis, Forficibus excindere, Veste clevere, Meningophilacæ adæquare, Cruorem Venis usum exhaurire vel saniem, læsis demum Meningibus remedia commodis admove. Quod si, operatione peractâ, ex humore lividis Meningibus coercito, non remittant Symptomata, nihilque, osse terebrato, profluat, Scalpelli cuspidè Membranæ attingere ne dubites. Sic prudenter administratæ operationis felix laudabitur eventus, aut si minus prosperè cesserit, non criminabitur Operatio, cujus occasio fuerit Necessitas.

## I I I.

**U**T variæ sunt Fracturarum Cranii differentiæ, sic varia illis decernenda curandi methodus. Non semper eadem est ictuum casuumque vehementia, non est in omnibus eadem Calvariæ soliditas, nec semper est idem Fracturarum modus. Nunc exteriorem tantum vel utramque Ossis tabulam capillaris Fissura dividit; modò evidentior est rima, licet nullis prominentibus aculeis aspera, & apprime conniventibus Fracturæ marginibus. Frangendo Cranium sæpè totus impenditur frangentis impetus, dum intacta manet Membranarum Vasorumque continuitas. Sic læso mitius Capite, non te deterreat Symptomatum vehementia. Hæc ut ab effusis intrà Cranium humoribus aut pungentibus ossiculis quandoque procedunt, sic etiam aliquando à solâ membranarum leviori Contusione ipsarumve Phlogosi, ducunt originem. Dura Meninx, Cranium firmiter undique adhærens, collisionis impetum persensit ipsa vellicaturque. Contudentis impetu, Carotidis externæ ramuli, Capitis integumenta perreptantes, fortiter comprimunt: hinc Sanguis ipsis contentus, tum versùs capillares tubulos validè cogitur, tum versùs Carotidis truncum refluit impetuossus. Sic in omnibus Carotidis externæ furculis, majore mole & citatori motu actus ruunt quâ minor est resistentia, ruptisque repagulis, vel tumorem in parte remotâ suscitât, vel Naribus, Auribus, &c, profluit. Duræ Marris Arteria, tum & Carotis interna, hujus quoque refluxus participes, Sanguinem vehementius propulsum uberius excipiunt & dilatantur

amplius, hinc ingurgitantur inflammanturque Membranæ: intercurrentibus Arterii medullaris comprimitur Cerebri substantia, eò magis quòd Phlogosi, convulsæ Meninges, arctando Calvariæ sinus, Sanguini moram pariant in Cerebro. In Nervos etiam propagatur strictura & irritatio Meningum, quæ ipsis affiducè involuera suppeditant. Sic imminuta, cohibita, perverta Spirituum distributione, tota cohibetur pervertiturque motuum animalium œconomia. Nunquid hæc omnia Trepani necessitatem arguunt? Minime. Imò Terebræ applicationem, quæ ex se nunquam expers est periculi, aliquando inuilem esse merito affirmaveris.

#### I V.

**I**DEO Fracturæ Cranii admoveatur Terebra ut effusus & stagnantibus humoribus aperiat iter, vel depressæ resituantur partes. Quæ Calvariæ Fracturam comitantur Symptomata Trepanum non semper exposcunt; sed operationem dehortantur, si paululum remiserint. Compresse sub benigniore Fracturâ Cranio, dura Meninx, quæ ipsi firmiter alligatur, distrahitur, inflammatur, sed quid distrahâ? Quid inflammatâ durâ Meninge proderit Trepanum? Largioribus & repetitis Sanguinis missionibus, extremè tenui Victu, Resolventium Cephalicorum applicationibus, restituenda est humoris in Meningibus hærentis discretio. Sic, inquit Ruiffchius, \* tam solers in Chirurgicis, quàm perspicax in Anatomicis, non raro felicissimè opem tuli verâ etiam Cranii Fracturâ laborantibus, quorum capitibus jam Scalpellum incisivum imminabat. Depletis venæ sectione valis, in liberiores ipsorum alveum eructabant capillaria sanguinem, quo nimium turgent. Per Nervulos, Fibras membranaceas, Vascula Capillaria innumera, exterior Cranii superficies cum interiori multiplici commeatu jungitur; adeo ut tenuiores Fomenti discutientis particule (ex Verbenâ, Betonicâ, Chamæmelo, Meliloto, Pulegio, Majoranâ, Fioribus Sambuci, &c. Vinò incoctis parati) nimis hærentes aut Revulsioni imperio minus obsequentes succos attenuabunt & resolvent. Non timeas ne ex ruptis Calvariæ ossibus exudans humor acridinem concipiat aut descendat in Meninges. Roris istius stillatio, quæ in cæterorum ossium fracturis, ipsorum ferruminationi confert, fracto Cranio simile conferet emolumentum. Absit credas exiguam duræ Matris à Cranio divulsionem humoris intra Cranium effusioni ansam necessariò præbere; Periosteum, in simplici Artuum fracturâ ab esse sejunctum, rursus eum eo facillè glutinatur sine effusionis metu: quidni & dura Mater, quæ periosteï interni vices gerit? At quæris undenam, ingruentibus Symptomatis, certò constabit nullum intra Cranium effundi liquorem, nullaque adesse pungentia officula? Expecta paulisper. Videas num Remediorum usu remittant Symptomata. Pungentia ossium acumina, & effusus intra Cranium humor vulgaribus non cedunt præfidiis. Num ex illorum applicatione mitescunt omnia? Humorem circulationis legibus subjici, spiculorumque absentiam certò conjicies, & inceptam medicamentis absolves curationem.

\* Observ.  
Chirurg. ix.

#### V.

**A** PAGE igitur eos, qui, fracto Cranio, ad Trepanum semper trepidi concurrerent. Ne dicant Terebræ applicationem non adeò reformidandam. Quid semper perforares Calvariâ incertis effusionis in Cranio, compressivis? Non sic liceat experimenta per mortem agere. Crudelitatis aut ignorantie meritam incurrit laborem, qui sine necessitate Operationem aggredietur, unde pro incertâ levaminis spe, certa venient ægrotanti pericula. Quid autem non timendum ex

4

levioribus operantis Chirurgi peccatis? Si nempe, vel nimis, vel inæqualiter Te-  
 rebram agitando, duram Meningem attigerit Serrâ: quid, si quâ parte applica-  
 tur Trepanum, duæ ossis tabulæ sese contingant, ut non rarò visum est? Quid si  
 duræ Mattis Arteria, quæ internam ossium superficiem perreptare solet, profundo  
 sinu, aut ossêâ includatur laminâ? Tunc enim ossis & arteriæ simul perficitur  
 excisio, vel dum resecta ossis pars educitur veste, inclusa quoque abripitur arte-  
 ria. Num feliciter operatio peracta est? En ab ære circumfuso imminet non leve  
 periculum. Nihilne involvit timoris diuturna duræ Meningis denudatio, ipsius  
 Phlogosis haud infrequens causa? Nihilne affert discriminis Capiti foramen inflig-  
 gere, non nisi post exfoliationem lentissimam occidendum? Uno verbo sic  
 semper celebratâ Operatione, sæpe decumberet in lecto per quinquaginta dies,  
 non tam ex morbo, quàm ex Operatione ægotans, à minimo in rebus non-Nat-  
 uralibus errore capere plectendus, qui convenienti remediorum usu intra paucos  
 dies incolumis evasisset. Hæc igitur te doceant reformidare, tibi que sapientem incu-  
 tiant metum. Admoveas Trepanum, sed nunquam admoveas inutiliter. Quæ  
 jubet Prudentia ut Terebres, cum certa sunt effusionis compressionisque signa,  
 hæc eadem postulat ut non omni Fracturæ Trepanum applices. Magnum Chirurgiæ  
 Principem ausculta *Celsum*\*, qui fracto scissove Osse, experiri Remedia multò  
 nonnunquam restituitur res, inutilisque declinatur Operatio, ægotanti ple-  
 rumque luctuosa.

\* Lib. VIII.  
 Cap. IV.

*Ergo fracto Cranio non semper admovenda Terebra.*

### DOMINI DOCTORES DISPUTATURI.

- |  |   |   |
|--|---|---|
| <i>M. Joannes D'ARCEZ, Lector<br/>&amp; Professor Regius.</i>  | <i>M. Ludovicus-Gilbertus BOY-<br/>ROT DE JONCHERES.</i>                                | <i>M. Jacobus GOURLEZ DE LA<br/>MOTTE.</i>  |
| <i>M. Franciscus THIERY DE<br/>BUSSY, Consiliarius Medi-<br/>cus Regis in Supremo Senatu<br/>Parisiensi.</i> | <i>M. Carolus SALLIN.</i>   | <i>M. Simon-Antonius BRIN-<br/>GAUD.</i>  |
| <i>M. Hugo GAUTHIER, Consti-<br/>liarius Regis Medicus.</i>  | <i>M. Simon VACHER, Regis<br/>Exercituum in Insulâ Cor-<br/>sicâ Medicus primarius.</i> | <i>M. Claudius-Josephus GENTIL,<br/>Militarium Nosocomiorum<br/>ad Regis Exercitum Medicus.</i> |

Proponerat Parisiis AUGUSTINUS THOURET, Lexoviensis, Doctor  
 Medicus Cadomenis, Saluberrimæ Facultatis Medicinæ Parisiensis  
 Baccalaureus, A. R. S. H. 1776. à sextâ ad meridiem.

---

Typis QUILLAU, Universitatis & Facultatis Medicinæ Typographi, 1776.